

同安縣志卷之十二

古蹟

時移世易忽成往事谷變陵遷已為陳迹同之
遺蹟湮沒無傳者不知凡幾而昔賢所經後人
往往於斷簡殘碑中流連弗置豈非履其地而
益思其人哉志古蹟

高士軒在縣署右宋紹興閒朱子為縣主簿廳事西

北有軒亢爽署曰高士軒

宋朱熹高士軒記同安主簿廨皆老屋支柱殆

不可居獨西北隅一軒為亢爽可喜意前人為之
以待夫治簿書之暇日而燕休焉然視其所以名

同安縣志

卷之十二

古蹟

一

則若有不屑居之意予以為君子當無入而不目
得名此非是因更以為高士軒而客或難予曰漢
世高士不為主簿者實御史屬漢官御史府典制
度文章大夫位上卿亞丞相主其簿書者名秩亦
不卑矣彼猶以為為逸已而不顧焉故足以為高也
今予僕僕焉在塵埃之中左右朱墨蒙犯筆楚以
主縣簿於此而以高士名其居不亦戾乎予曰固
也是其言也豈不亦曰士安得獨自高其不遭則
可無不為也乎予於其言蓋嘗竊有感焉然亦未
嘗不病其言之未盡也蓋謂士之不遭可無不為
若古之乘田委吏抱關擊柝者焉可也謂士不能
獨自高則若彼者乃以未觀夫高也夫士誠非有
意於自高然其所以超然獨立乎萬物之表者亦
豈有待於外而後高耶知此則知主縣簿者雖甚
卑果不足以害其高而此軒雖陋高士亦或有時
而來也願予不足以當之其有待於後之君子云
爾客唯唯而退因書之壁以為記高士軒詩官署
夜方寂幽林生鶉初聞居秋意遠花香寒露濡政

園異時節欲歸懷簡書聊
從西軒臥塵思一蕭疎

畏壘菴在縣治北宋紹興閒朱子泣同秋滿代者未

至假陳氏館以居名其菴曰畏壘

宋朱熹畏壘菴
記紹興二十有

六年之秋余吏同安適三年矣吏部所使代余者
不至而廨署日以墮敝不可居方以因葺之宜為
請于縣會余奉檄走旁郡因得并載其老幼身送
之東歸涉春而返則門廡列舍已摧壓而不可入
矣於是假縣人陳氏之館居焉自縣西北折行數
百步入委巷中垣屋庫下無鉅麗之觀然其中粗
完潔有堂可以接賓客有室可以備棲息誦書史
而佳花異卉蔓藥盆荷之屬又皆列蒔于庭下亦
足以娛玩耳目而自適其意焉余獨處其閒稍捐
外事命友生之嗜學者與居其下拚除井竈之役
願畱者亦無幾人若常時車馬之客與胥吏之有
事于官府者則無為而來矣客或謂余所以處此

同安縣志

卷之十二

古蹟

二

者庶乎庚桑子之居畏壘也因名余居曰畏壘之
庵自是閉門終日翛然如在深山窮谷之中不自
知身之繫官於是既歲晚而不能去也如是又累
月代余者卒不至法當自免歸而陳氏謂余而請
記其事曰使後之人知夫子之嘗居於是也余惟
庚桑子蓋莊周列禦寇所謂有道者余之學既不
足以知之而太史公記又謂凡周所稱畏壘虛亢
桑子之屬皆空言無事實然則亡是公烏有先生
之倫也此皆不可考獨周之書辭指怪奇有可觀
者余於是竊取其號而不辭遂書以畀陳氏陳氏
世為醫請予記者名良傑為
人謹篤周慎能通其家學云

福星學舍在縣西庫內巷宋許順之講學之所後燬

明嘉靖中立為社學祀順之像今臨街福星樓猶

存

士街在縣署前二街相次橫壘一街中間直衝類士
字街前關帝廟原北向明季邑令陳相才改徙東
向塞斷橫街之半幾類亡字遂致人物彫零 國
朝康熙六十一年郡丞郎文焯攝邑關廟仍改北
向街道粗豁尋為民居壅塞乾隆二年邑令唐孝
本盡撤西隅佔築民舍而士街始通達如故

觀瀾亭在儒學前城堞上明成化癸巳郡推柯漢建
後廢 國朝乾隆辛巳壬午閒邑人請於令與

之陳薰九日登東城觀瀾亭詩風飄五雨碧潤
百雉長縈帶水流堞外峯抽凌漢塔城頭亭

同安縣志

卷之十二

古蹟

三

隔溪樓雙橋密匝千家火萬樹平鋪一色
秋老我登臨無限思插萸猶學少年遊

白省真隱在邑城西門內明提學劉汝楠建中有少
微堂西清池臥雲樓明漪閣濯纓亭解駒軒汝楠
晚酌濯纓亭有疎花雲閣映斜月水簾明之句

貞素堂在城內明觀察蔡復一築 國初廢為營廩
乾隆三年改為雙溪書院

銅魚亭在南門外溪澗雙溪滙處有銅魚金車二石
雄鎮水口朱子為之題字刻石後金車如故而銅
魚沒沙泥中有識云銅魚水深朱紫成林明萬歷

壬子邑令季春開疏石得魚與珠濬池蓋亭其上
後亭壞沙壓 國朝康熙癸巳邑令朱奇珍拓而
清之榜曰觀化等為市肆壅塞乾隆戊午邑令唐
孝本折屋濬溪市肆旋填壓如故辛巳壬午閒紳
士請於邑令鄒召南盡撤其廬環以石闌嘉慶丁
巳紳士高以彰等復請邑令吳堂疏清濬深城濠
引水入池并禁市猾開厠池上邑中科第全視銅
魚顯晦以下盛衰蓋累復累驗云 明蔡獻臣銅魚
亭成邀林負蒼

陳賓門張輔吾夜坐詩神魚迎水躍天馬護亭斜
奇蹟何年隱勝遊今日誇午風催急雨夜月坐平

同安縣志

卷之十二

古蹟

四

沙隔堞堪呼取
如澗不用賒

太師橋在東門外東溪宋太師留從効建又名東壩

宋朱熹雨霽步東橋玩月詩空山看雨罷微步喜
新涼月出澄餘景川明發素光星河方耿耿雲樹
轉蒼蒼晤語逢清
夜茲懷殊未央

并石臺在太師橋畔溪中有巨石高丈餘方廣數丈

天然如臺屹立水上舊字甚古勁不知所始宋宣
和中邑令危素文得識而勒之石陰旁石鐫有紫

陽舊遊卽朱子步東橋玩月之處

國朝陳薰月夜
登并石臺詩

望長川色清光夜不貧溪山雙蹇足風月幾閒人
流水隨來往吾曹自主賓暮遊秋更好對酒莫辭

類葉廷梅詩泉臯雙石筍長峙碧溪灣流水千年
在清風此夕閒滿天見明月一鏡照青山坐對高
臺冷微雲自往還劉澥詩溪上斯臺古攜壺月尚
圓友同竹林輩人是水中仙淺瀨搖金魄微雲淡
素川簫聲何處落隔岸有人煙蕭子均詩東臯凭
眺望夜色白沙村雲淡秋生渚川明月在尊清光
從古賞此石到今存曠
矣水山意吾儕且細論

結鬢堂在并石臺畔舊有是堂後圯明劉存德築菴
其處而仍以結鬢名之嘗踞石臨流舒嘯吟詠有
友石之居東臯清流等字皆存德手書近郭溪山
此爲最勝

文筆塔在鳳山距城東南一里明萬歷庚子夏邑令

同安縣志

卷之十二

古蹟

五

洪世俊以山直巒宮巽離之方爲文明地宜有秀
峯卽其頂建石塔五層工竣越月登賢書者八人
明年許解遂冠南宮互見外紀

文公堤距城北里許有大石倚山麓刻應城山三字
明劉存德題其旁云朱子爲同安簿築堤以補龍
脈

朱子同山字蹟在縣東里許同山上邑中朱子字
多皆係石刻惟同山二字乃硃砂所書自宋迄
其色不變

瞻亭石在輪山北龍門下有石朱子手書瞻亭二字

字賈似道過此欲描取其字是夜石即倒翻後人

鐫其旁曰墜星石明邑令劉裳構石亭摹字刻置

亭中即名瞻亭

明劉汝楠瞻亭懷古詩石上亭非古山中道自尊昔賢芳躅邁空谷

白雲屯歲月摩丹嶂風霜靜紺園戰龍雙老樹一去莫攀援

戰龍松在輪山梵天寺東舊有二松攬拏勢若龍戰

朱子刻戰龍松三字於石

國朝高聯飛懷古詩二松交峙古朱子表其

名翠幹凋零久剔苔鐫字明

聖泉在輪山達夫巖下石乳流香清泚沁脾汲以瀹

同安縣志

卷之十二

古蹟

六

茗能療暑毒雖大旱不涸年久蕪沒失其故處僧

法海等得之僧戒睥鐫記於石云聖泉久失法海

等得戒睥當山記乞人識

騰紫峰距城二里在同山之東中有巨石刻騰紫峯

三字朱文公手筆也是山每有紫氣上騰因以名

互見山川

壺隱山房在東山下明觀察蔡復一書字又名東山

草堂

在鏡亭在城西北四里東山之北下臨深潭匾額係

董其昌手書其地舊有精舍 國朝里人陳睿思

復構別墅其間名曰澹園 國朝陳睿思澹園詩

聳秀俯平田扶藜到處頻呼丈攜屐登來欲問天

香動梅花邀月飲寒侵樹影枕雲眠不須負簪歸

山市鎮日敲棋有謫仙許瑛遊澹園詩安石今猶

臥閒情寄一邱喚人禽語滑穿徑落花秋籬落環

山擁階除曲水流桃源 原咫尺物外欲盟鷗

雲奇不在感化距城北四里許窈窕嵌空中裂一

痕午始見日其外有方巾石紗帽石馬鞍石皆象

形惟肖名人題詠鐫石頗多 劉汝楠晚酌雲奇山

向晚還尋北寺遊日氣迥銜青嶂夕鐘聲近報白

雲秋螢光歷亂禾千畝漁火依微樹一洲自有長

同安縣志 卷之十二 古蹟 七

風生絕壁何妨列坐俯清流又九日登高用前韻

百年放浪邱中賞九日登臨雲際遊石上青松存

晚節樽前黃菊報先秋禪房寂寞依雙樹仙嶠微

茫接十洲聞道龍山曾落帽何如聞嶺更風流丁

一中雲奇覽勝詩共有邱中興言尋郭外山平林

穿荔園小徑入松關靈境來何暮煩心到此閒白

御金亭在縣東五里許榕溪公館南道旁明成化閒

邑令張遜有善政以擢福寧州守去百姓攀留不

得有十數老人賣金數斤從榕溪來贐令辭焉既
又至洛陽至三山皆一一慰遣之故民爲立亭亭
下有碑大書張公愛民父母數字邑人傳鎮爲又
記之

萬濤坑在三秀山距城北十餘里石壁陡峭曲折幽
奇中有石榻石床巨入跡諸勝

蒙山龍潭在從順里四五都距縣城南二十餘里宋
崇寧三年攝令趙文仲奉詔建廟於山之西麓朱
文公真西山嘗禱雨於此淳熙十一年春夏旱邑

同安縣志

卷之十二

古蹟

八

令鄭公顯榮於潭雷雨交作潭上三百餘步有石

鐫祈雨道場四字

宋鄭公顯碑記秋成在望靈雨未零遍伸奠瘞之文未協滂沱

之應昔聞禱雨遺迹猶存比乎唐令踵行甘霖立沛乃借營屬用和神民步行而去戴雨而歸遂使大有興歌豐年誌慶洵山靈之蘇兆姓爰勒石以銘千秋

見巖在感化端山距縣北二十里明邑人池顯方辭

榮入道誅茅山棲讀書其地先是居人夜見山林
放光木石齊明以經稱佛光晃煜故名中有雙泉

坪花源澗大龍湫激素洲盤陀石迴獅峯衆妙亭

韻亭石淙洞松軒諸勝

秦鍾震贈池直夫辭榮入道將母山棲詩奉常庭訓

垂令儀直夫伯仲奕當時伯氏依松愛根礎而君
天親還自在海內傾蓋盡知交中情皎潔不可渝
初築玉屏吞海色不見流泉石空碧幽探討得放
光巖飛瀑懸崖下澄潭人傳神光出山谷更敞松
軒韻萬壑中樓布佛何處來高亭虛止衆妙開繁
華滿眼皆浮幻帝鄉富貴非吾願獨念將毋隱山
居披素茹淡會真如數畝農桑亦菽水松籟石淙
奪俗子衣冠莫問與世乖煎茗焚香稱好懷吹笙
緜嶺桃千樹桃源人家似相遇豈須引導說長生
精修大覺道常平世閒戲場異悲悅看君心印溪
山月樛人相憶在江鄉欲往從之眼耳
荒和君雜詠意夫子浩歌轉寄頻伽鳥

靈源在蓮花山距城西北三十里泉隨潮汐盈虛朱
文公鐫字其上復有太華巖三字在石閒

御踏石在同禾四都龍窟村之上距城西南十五里

同安縣志

卷之十二

古蹟

九

有巨石三片連接水中宋幼主自此登舟往莊坂

尾由五角嶺過海入粵後人鐫其石曰御踏石

明林

希元御踏石詩六飛一去不復返此地猶傳帝子
行萬里山河無駐足數方盤石尚留名天寒水冷
魚龍泣海濶風高鴻鴈鳴千古
乾坤同逆旅英雄遺恨幾時平

出米巖在民安里八都店頭舖北數百步距縣三十

里巖邊有巨石一片號華蓋石相傳宋幼主駐此

石中一穴日出米以供扈從故名互見山川

明陳國

德輝懷古詩南來行國尚稱尊鬼護神輸總異聞
華蓋仍留山上石蒼林疑駐殿前軍殘碑篆蹟埋
秋草古澗泉聲咽暮雲反舍揮
戈何處是劃然長嘯對斜曛

寶蓋峯在出米巖前東畔峯巒聳秀宋幼主坐愛乘涼曰此峯宛如寶蓋故名

御羅石在出米巖前有石五色斑斕相傳宋幼主宮人遺下羅巾化成故名

五議洞在出米巖後洞中兩石如床陸秀夫文天祥等五人常於此謀議中興故名

國朝林應龍詩五臣姓字半遺志

洞裏籌謀喜對床一自龍髯攀斷後雲山終古目蒼蒼

飲馬池在民安里出米巖山麓大可五六尺深僅尺

許大旱不涸相傳宋幼主駐蹕時曾於此飲馬互

同安縣志

卷之十二

石蹟

十

見山川

十二龍潭在北辰山距城東北二十五里祈雨多應

潭旁二溪東鳴則風西鳴則雨互見山川

板轅石在民安里九都小盈嶺前路傍朱子簿同安

時秩滿將云士民送至此板轅不忍離鐫此以志

慕

次崖別業在獅子山普陀巖後距縣南四十里許巖

右稍上有一崖次崖明林希元構書舍次崖下故

學者稱曰次崖先生

棋局石在小巖石虎岩仙人井西南距縣六十里有天然方石周二尺許鑄為碁局中分一道鑄萬幾分子路一局笑顏回十字已遭琢沒惟萬幾分回四字尚完善可摹蓋宋印鈞磯手筆也踰局稍西鈞石在焉互見山川

皇帝井在仁德里蘇營相傳唐宣宗到此掬飲因名泉極甘釀酒淪茗俱佳經時不汲泉從石縫中出大旱不涸

浴龍池在安仁十五都距縣七十里夕陽山上唐宣

同安縣志

卷之十二

古蹟

十一

宗曾浴於此詳見山川外紀

國朝蕭子均浴龍池觀瀑詩綠暗招提

護一邱搆將春展訪僧遊斷虹帶雨全歸寺古樹凝烟半鎖樓龍去空池餘碧草瀑懸峭壁尙寒流我來閒倚蒼茫立一嘯殘陽沒嶺頭

龍門在積善莊坂尾距縣七十里巨石二片夾道如門高四五丈有跡如魚頭上向者數十有龍門二字刻於石相傳宋文天祥扶幼主自踏石至此所書

二賢堂在文圃山宋楊志所建因唐謝脩南唐洪文用宋石蕢俱隱於此遂築堂以祀之今其址爲書

院詳見山川學校

仙洲一名海印卽太武山在翔風十七都浯洲嶼有
太武巖玉几案蘸月池眠雲石偃蓋松跨鼇石石
門關古石室蟹眼泉倒影塔千丈壁一覽亭十二
景士大夫多題詠

嘯臥亭在金門城南磐石之上明都督俞大猷平倭
後建極目東南一望無際爲備海要地石鐫金門
外谷神完賊舟泊誰有生還十三字不知爲何人
所題年月姓氏俱無可攷

同安縣志

卷之十二

古蹟

十三

嘉禾里在縣南海嶼廣袤五十餘里宋嘗產嘉禾一
莖數穗故名

金交椅在嘉禾里溪邊社山頂宋幼主嘗登山坐此
下有穴甚深黑相傳有刀劍之類里人入穴取歸
夜輒現怪投還始息

官榮距塔頭社里許有大石壁立勒官榮二字筆勢
蒼老可二尺餘相傳爲宋陸秀夫書

玉獅齋在廈門城內明里人池直夫讀書處有記
仰園在廈門明季黃都事建有亭八面可望山海

國朝靖海侯施琅改爲滄墅今爲隆恩鋪

金雞亭在筭管港口相傳昔里人掘地得金雞因築亭其上故名

觀日臺在嘉禾嶼洪濟山憑高東望雞鳴時日如金輪從海底躍出殊爲奇觀

薛嶺唐薛沙所居一作薛令之其北陳黯居之豪竈金榜山皆黯讀書處詳見山川外紀

觀海堂在嘉禾里塔頭鄉明太常卿林宗載讀書處內有振衣岡濯足池一時士大夫宴游題詠其間

同安縣志

卷之十二

古蹟

十三

蔡復一爲撰觀海堂平平編序

舒嘯亭在縣署後圃熙春亭在太師橋頭思波亭在東門外宋時建榕溪亭在邑東五里頌功亭在石滄喜雨亭在東嶽左爲令李春開建接待亭在十二都今俱廢西安亭在西安橋頭銘恩亭在嶺頭下明劉存德爲譚維鼎捍賊紀功甘露亭在嶺下

第宅

附

唐進士謝脩偕弟脩宅在文圃山下南唐主簿洪文用隱處在文圃山下

宋丞相蘇頌宅在縣西北葫蘆山下

處士石蕢宅在文圃山下

太府少卿林棐宅在縣東名卿坊內

處士柯翰別業在縣治西北中有堂曰一經

宋朱熹一經堂

記紹興廿三年秋七月子來同安明年乃得柯君而與之遊相樂也時君以避地邑居授庠百餘人屬予治學事因得引君以自助君行峻不為苟合由是眾有所嚴憚至於他事亦多賴以濟焉又明年君將反其先人之廬因舊葺壞以居而取楊子所謂古之學者耕且養二年通一經者顏其寢居曰一經之堂閒謁予記之子謝涉學未久文且下將不能有所發明吾子之意願更屬可者如是非復一再至今年冬予將解吏以去而君又以為請既不得辭乃為之言曰予聞古所謂學者非他耕

同安縣志

卷之十二

古蹟附第宅

古

且養而已矣其不已乎經者何也曰將以格物而致其知也學始乎知惟格物足以致之知之至則意誠心正而大學之序推而達之無難矣若此者世亦徒知其從事於章句誦說之間而不知其所以然者固將以為耕且養者資也夫豈用力於外哉何君名翰字國材為人孝謹誠懇介然有以自守於經無不學今將隱矣而其志不自足如此是蓋將終身焉則其造詣之所極非予所敢量也古

次比是說為之記云

處士邱葵宅在小巖鐘山下

明靈壁令張日益訪邱鈞磯故居記同邑遵海

而南巨鳥錯列小巖於諸島若漚浮海上最渺也而五百鍾靈宋邱鈞磯先生獨產其上先生後朱考亭百餘年而道學獨祖考亭運當陽九斂德自全蓋自讀書論世知有先生久矣蔡虛臺公重修邑乘獨高先生之風而予居去先生一水不能詳言其遺宅故墟子病焉乃于季夏之八日戒小舟

約王茂才諸君詣小登訪焉舟行而東過石虎
之前旋及懸崖崖下白沙數武有泉出沙之三石
間瑩澈而甘即泉郡志所載仙人井者於是緣崖
西南行多石或峭或圓有方石周幾尺許鐫為象
馬嬉局而於中分一道則鐫萬幾分子路一局笑
顏回十字已遭琢沒萬幾分及回四字完明可摹
摹其工蓋先生手筆云踰局步漸西則先生釣石
在焉從此東行半里許為鐘山之南有寺曰章法
肇於宋而北則先生之所宅址不半畝黍秀離離
蓋自明高祖以倭故徙登民一嶼皆墟成化初乃
復舊籍邱氏俱望鐘山之麓列屋而先生之舊址
竟廢予與諸君撫景低徊就先生之裔朝準君別
業休焉君因出所藏先生詩一編讀之先生之洞
天人徹性命觸發皆真而為生人明大義為天地
辨大分考亭統緒存以不墜則先生之功誠大矣
然先生之高蹤逸韻亦今而後知其詳則豈非有
數也哉既歸釋楫遂記之萬歷四十年壬子季夏
望後三日後學張日益書於海雲館蔡獻臣詩一

同安縣志

卷之十二

古蹟附第宅

五

卷突兀水中閒遙想先生冰雪顏人擬柴桑真伯
仲詩追擊壤異閒關生當頽運身終隱志在遺經
手自刪為問百年歸骨
處後昆指點淚痕斑

明僉事林希元宅在坊東嶽保塔山下

侍郎洪朝選宅在翔風里柏埭

尙書陳道基宅在積善里鼎美鄉

光祿少卿蔡獻臣宅在南門內中有讀書樓

蔡獻臣讀書樓

詩藏書成小閣咫尺傍萱庭侵曉迎初旭當峯送
遠青閒來親卷帙嗒爾付沈冥兒輩慵成癖誰堪
詔一經又尺地難容構危樓起屋西疎窓城柝入
隔幔漢星低膏續書堪把衾寒夢不迷紅夷消息
好傾耳
罷霜聲

吏科陳昌文宅在浯洲古區

知府陳健宅在北門內

憲副陳基虞宅在大西門內

編修許獬宅在浯洲太武山下後徙城內東市後

經略蔡復一宅在城內北鎮廟邊中有貞素堂

禮部池顯方宅在慈汀保晃巖右盤谷

同知吳慎宅在城內東市卽今耘書書屋

國朝編修陳夢球宅在古溪

冢墓附

同安縣志

卷之十二

古蹟附冢墓

唐侍御薛令之墓在廈島下張社前

處士陳黯墓在廈島東山社前

宋太常少卿宋宜墓在香山東

安撫使黃萬頃墓在同山五顯宮鄉後

大理寺石賡墓在高浦白鶴山

進士石亘墓在鴻漸山桂林鄉

運使曾諤宣議曾壽墓在積善十七都角尾

少卿林棐墓在佛嶺孤嶺山

咸安郡王趙叔霖墓在同禾里龍湫後壠山

賓正葉伯源墓在西山尖峯攢族如火星者五號五

火煉丹

葉郡馬墓在佛嶺孤卿山右去三百餘步為子春卿墓

承事郎陳彬墓在浯洲東店湖邊地東北

承事郎陳大燦墓在浯洲山柄鄉號美女梳妝

府志舊縣

志俱作陳逢墓誤

知府曾祕墓在同禾里曾溪鄉

知縣薛舜俞墓在廈島菴兜社內

同安縣志

卷之十二

古蹟附錄墓七

進士陳懋墓在浯洲黃龍山北背

主簿方士端墓在同禾里銅鑼山

鄉賢兩科太守王南一墓在感化里汀溪洪坑嶺鷄

菴山

先儒許升墓在西安橋南大路側

明劉汝楠重修宋儒許存齋先生墓

道碑一宋儒許存齋先生晦翁先生之高弟也墓在縣西安橋之兩相傳為翁守漳時過同安所卜地也歲徂就騫榛燕不治而墓域之南壓於流沙滄於居肆觀者病之嘉靖甲申督學副使邵公銳便道瞻謁命有司經其埏隧繞以垣墉癸丑督學副使朱公衡行縣諸生裔孫純道等以反墓域侵地為言下有司勘奪未報巡按御史趙公孔昭吉公澄分巡僉事汪公伯盛公唐相次下其事於縣有

可今歲春邑令徐侯宗奭承檄追之得所反使
 自瑩域以至於溪澗南北各十餘丈東西如之侯
 於是其有功於名教矣夫秉彝好德人心所同而崇
 德報功為人後者之所不能以已先生饗食翁祠
 為鄉先正觀風承流如諸君子宜其有以處也索
 余文以紀其事者純道偕其從弟姪諸生垂芳居
 正也嘉靖三十六年丁巳長至日後學劉汝楠南
 郭氏撰洪朝選芳洲氏書 國朝知縣朱奇珍禁
 約為敬衛昔賢之邱壟嚴禁孔道之毀傷事蓋聞
 古君子生而有益于人鄉先生沒而可祭于社為
 教是亦為政立德豈減立功雖冷爾御風常遊乾
 坤之表而翩然被髮必下桑梓之間過墓思哀警
 心在目况雉牆密邇有司易以稽查而馬鬣高封
 國人素所矜式宜勿剪而勿伐使是經而是程宋
 儒許順之先生當紫陽涖邑之初即絳帳執經之
 始物欲淨盡海濶天空問答周詳條分縷晰從建
 陽以卒業道岸誕登記存齋而贈言龜朋是益撰
 文致祭恍惚喪予之嗟配享同祠依稀函文之素

正位邱首棲神縣南苔草雲煙何必銀騰化虎松
 樹風雨已看木拱成楨樵採無聞踐履曷慮乃以
 年歷五百晨昏閉幽室之夏夏更綠路近衢衢來
 往飛紅塵之滾滾始焉行人所斐終且築室成居
 貿易誼譁賣菜傭排列筐筥輪蹄蹂躪執鞭士繫
 維驢騾背負肩挑止息其上濁泥汚土推積在傍
 潛闔成寢訛之區高碑為架擱之所雖葬日喪無
 鳥集過此并少鳥飛豈當時卜是牛眠于今果多
 牛喘地蹠蹠而皮爛何論山衣瑩銷磨而頭童不
 關鹿觸如此驚長眠之曉何以妥不敝之神本縣
 簿書餘暇圖志聿考繼朱夫子之治敢日能賢聞
 許先生之風願為私淑深情烏鳥指日回家薄禮
 特牲虔誠謁墓疑考亭衣鉢必有汲郡蝌蚪之書
 奈附邑村墟無殊田文狐兔之淚令行飭禁以便
 凜遵所有前項摧殘必務尅期改革近市識貴賤
 之價先哲應無陋居高山與景仰之思鄉人想必
 皆好如有故
 沮重究不饒

儒王力行墓在同禾窰尾後田壠國朝知縣朱奇珍禁約為特

崇名賢謹護潛闡事照得圖輿有志陵塚必書蓋

生奠厥居君子之閔有式而死表於道賢人之墓

宜封神如水在地中魂魄猶應戀此愛彼人舍棠

下翦伐皆曰無之有宋名儒王近思先王銀邑名

賢考亭高弟為學切問隱助制行於命名尊聞行

知常得願學之真趣當年傳授支派總寫成圖此

日享祀春秋旁參一座既為文公許可允是學士

典型祭獻宜修墳塋必肅本縣躬親造謁意切吁

嗚夫僧塔梵龕行人猶多禮拜斷碑荒塚帛客尚

為徘徊况乎有道游魂於此棲息先賢蛻骨在斯

斂藏縱使人遠風遙非復墮淚之處何至世媮俗

壞不如下馬之陵為此示禁遠近人民知悉草蒲

青邱求牧與芻而不得庭開黃壤築場為圃焉取

斯地脈不許傷殘壙室尤禁踐履除前不究此後

必嚴倘有故違定行重究如謂本縣促裝伊邇或

少長鞭試看爾民犯禁如飴決遭繫縛也慎之慎

同安縣志

卷之十二

古蹟附家墓十九

之無貽
後悔

舉童子科洪真惠墓在十三都金山麓

武安侯蘇益墓在蘇坑

校勘洪敦仁墓在翔風十三都金山頂

縣合劉璠墓在歸德里營邊山璠江西人任同安縣卒葬於此

處士邱葵墓在小登嶼明張日益云先生子孫耕隴得一穴探之則先生墳自書

甄為
記

明知州陳顯墓在浯洲東洲

知縣王中墓在仁德里洪嶺山

封知縣葉伯溫墓在寶蓋山鳳髻嶺宋恭人墳石
進士葉賜墓在東嶽井仔頭

進士陳宇庸墓在芎溪橋王家山

封員外李德宗墓在歸德里湖井崎山

員外郎李賢祐墓在歸德里朱埧山佛宅

贈通政使張益初墓在浯洲青嶼石庭前

贈錦衣衛同知張太常墓在浯洲青嶼石庭前

郎中周源墓在安仁里十六都草市

同知吳慎墓在仁德里豪山埔

同安縣志

卷之十二

古蹟附家墓

二十

監丞林啓墓在縣西湖井

贈奉政大夫林應彬墓在長興梨山保儒巾石

贈文林郎葉鶴號陽軒墓在長興里桂潭尾

知縣葉錄墓在感化廣壽院

知縣葉蕩墓在芎溪舖

贈文林郎周一朴墓在長興里塘邊中山仔

知府黃偉墓在浯洲汶水頭山

知縣周英墓在長興里黃山

贈奉政大夫林聰明墓在感化盧嶺

寺丞林希元墓在從順坑內

國朝高日聰墓碑余
欽承 簡命視學八閩

仰體 國家崇德褒賢至意凡所履輒求其鄉名
哲故址冀慰瞻仰之私而次崖先生後裔貧弱特
甚至先人邱壠亦迷不知處所余走櫛訪之得其
裔孫林淇芳稱乃祖次崖公以理學持祀祖墓在
從順坑內向因遷移遂致荒冷余讀其語暨同安
尹徐君名觀詳請之文益覺愴然因薄出俸錢令
其立石余惟先生忠誠經濟已足垂休奕代况存
疑一書窺斯道之堂奧實堪羽翼經傳雖西山衍
義文定春秋何以加茲余謂即起先生從祀恩置
守塚亦非過典奈何都不可得而窺安荒涼墓槐
寂寞一至於此良足感也昔溫庭筠過陳琳之墓
憑弔慷慨作詩歌以紀其事矧余于先生能默默
已哉因為之記知縣朱奇珍禁約為特設墳塋之
禁以崇理學之儒事蓋聞生正人而歿明神雖云
萬古不死魂升天而魄入地不免一抔長乾不封
不樹之前莫問中野如堂如坊而後宜護安臺凡

同安縣志

卷之十二

古蹟附家墓

三

過墟者思哀矧遇賢焉必式思人乃樹南國歌棠
慕德觀碑峴山墜淚惟柳下禁五十步之樵採庶
雍門免千萬歲之愴悽明儒林次崖先生麝浦鐘
靈風里毓秀八條新政進藥石之格言三理法司
同豺狼於當道滇逆褫魄闔豎落權凡其坐言起
行皆本讀書窮理存疑箋註闡往聖之心傳考古
類鈔示後賢以手援固宜學宮俎豆千秋馨香尚
惜勝代碑坊八字淪沒而草莽林麓之處乃杖屨
衣冠所藏看守無人變遷異狀啼鷓鴣而走麋鹿
已非馬帳高懸生梅棘而長松楸空說漆燈暗照
加以牛羊踐履斧斤往來蹂躪徧於邱陵毀傷及
乎薪木蕭條秋草無復書帶之榮冷落暮烟不堪
逢賴之象海慢先哲罪莫大焉損傷佳城罰難寬
矣本縣忝莅斯土恭謁是瑩杯酒奠誠不啻親聆
當年之警欵大號洵行尚期其愛佳氣之鬱蔥倘
有牧豎樵夫仍前翦伐如或土豪地棍向後戕傷
一經告發訪聞卽刻拘提究擬莫謂盜其抔土難
比長陵當思置彼萬家卽賴仁里為此禁飭各宜

邊

員外郎謝崑墓在感化牛肚壠

贈奉直大夫陳禎墓在翔風里浦邊黃龍山上西復堂
知府陳健墓在長興里後蕭

運同王佐墓在芎溪白鬚公崙

副使楊逢春墓在同禾里洪塘

提學劉汝楠墓在歸德馬坑

贈侍郎洪蕤賓墓在翔風里十三都崎壁石

進士許福墓在浯洲金門官內

同安縣志

卷之十二

古蹟附家墓

三

都堂傅鎮墓在嘉禾里金榜山吳村

知縣吳德范墓在仁德石礪山

知縣陳溫墓在浯洲湖山鄉

知府許大來墓在浯洲後林山

通判贈參政蔡宗德墓在浯洲戴洋山

知縣許贄墓在翔風里前山

贈中憲大夫陳櫛墓在長興加塘嶺頂

封侍郎洪溱墓在仁德五礁

侍郎洪朝選墓在翔風里十都東園

封御史劉恭墓在長興寨仔山

副使劉存德墓在太師橋東

封中憲大夫李晏墓在從順蔡塘

知府李春芳墓在從順石獅港橋北張厝山

主事許廷用墓在浯洲山竈

封郎中王濟墓在長興中山仔

知府王三接墓在從順石獅港吳村

知府蔡煥墓在從順里四九圳

主事林叢槐墓在石澳保姑院內

同安縣志

卷之十二

古蹟附家墓 三

封按察洪真源墓在民安八都崑嶺象山

廉使洪邦光墓在從順石龜草塘

郎中李文簡墓在積善山邊上宅社

知府郭夢得墓在松柏嶺尾坑

進士張鳳徵墓在感化林嶺內

封太常池宗寶墓在廈門北門外魁星石下左三百

步孫舉人顯亮墓

封太常池楊墓在廈門陽臺山

太常池浴德墓在廈門鳳凰山

莊有臨墓在磁甯劉山前有戲珠石

贈奉直大夫陳甫吉墓在同禾里靜隱院

贈奉政大夫陳甫烈墓在長興施山

憲副陳基虞墓在十二都山後鄭

知州陳榮祖墓在同禾和祥山

光祿寺署丞贈文林郎陳士烜墓在歸德潘坑崑山

贈禮部主事蔡宗道墓在浯洲平林鄉

按察蔡貴易墓在民安董水橋北西山

國子監博士黃良弼墓在同山五顯宮村上

同安縣志

卷之十二

古蹟附冢墓 三

參政葉明元墓在縣南賈厝後

給事李獻可墓在翔風十四都樓山

封參政林湍墓在從順石鼓山仙腳石下

參政林一材墓在安仁湖井尾

知縣莊量墓在同禾龍鬚郭坑

太僕卿黃文炳墓在梅埔

布衣黃文炤墓在長興里二都詩山護壠上

知州郭日烜墓在九躍山南斗

知陳

選墓在同禾蘇厝鄉

知府張錫墓在積善里齋堂社後

知縣蔡用明墓在長興金山

贈參議大夫王三錫墓在同禾東溪頭

憲副王道顯墓在虎岫林

封中憲大夫陳廷佐墓在歸德周溪會營埔

知府胡明佐墓在積善大乾山

知州陳一經墓在感化慈和

贈禮部蔡希旦墓在浯洲庵前鄉

贈參政蔡宜勳墓在浯洲徑林

昌安縣志

卷之十二

古蹟附冢墓

三五

布政蔡守愚墓在翔風十九都湖南鄉

提學蔡獻臣墓在前街後山

贈大中大夫柯梓墓在西埔爐山

運使柯鳳翔墓在仁德磁窰

憲副陳基虞封塋在感化古坑

知縣張繼桂墓在東園崎山

畱守司正斷事郭修墓在苧溪第一山

通判郭復泰墓在竹埧龜仔山

憲副劉夢松墓在感化慈相山

卸刑陳士蘭墓在店前神山

知縣陳則采墓在嘉禾巖後

經略蔡復一墓在沙溪小盈嶺南

明池顯方詩高天雷肅氣危石讓

貞肺腑貞男子光明一斗精衆人憐爾後聖主易其名下拜松風切如聞警歎聲

副使林應翔墓在安嶺塘仔後

長史李惠賓墓在感化田厝溪心

巡撫張廷拱墓在感化大嶺山

編修許懈墓在翔風十九都山前鄉

知縣洪觀光墓在十三都石堂

同安縣志

卷之十二

古蹟附錄

三

副使陳沃心墓在廿四都上張埔

知縣陳士銓墓在歸德里林窰鄉金鐘崙古之湖

陳知縣封塋在民安里董水橋萬豐莊號青蛇拜蟻

松

知州蔡潛墓在翔風十八都高坑鄉

參政洪織若墓在歸德林嶺

知府林道推墓在感化里蘆嶺土寨山

知縣郭貴德墓在從順里圳岸

封同知蘇震亨墓在感化溪東鄉

同知蘇國翰墓在蘇厝鄉

知縣郭沂墓在長興里楊溪林口

封承德郎郭榜墓在馬壠山

贈奉政大夫周宗儒墓在感化里澳內大中寨

吏部郎中周家椿墓在溪東鄉尾洋崙

參政林一柱墓在西塘虎林埔

封中憲大夫康若山墓在豪嶺社後杜生崙

知縣王廷蓋墓在九躍山

知府康爾蘊墓在苧溪內官寨獅頭崙

同安縣志

卷之十二

古蹟附家墓

二十七

知府林龍采墓在古坑

同知池顯京墓在嘉禾官兜巖後山

憲副劉夢潮墓在從順院前山

巡按盧經墓在仁德板橋會厝山

封刑部主事黃梁甫墓在浯洲英坑

參議蘇寅賓墓在感化汀溪

封御史張原友墓在大西山東麓楊厝埔崙

贈行人張景瑤墓在大西山波陽俗名七星墜地

封行人張學鄒墓在從順里草塘

行人張煒墓在歸德里白沙崙

大理寺丞葉成章墓在感化大嶺山

太常林宗載墓在嘉禾二十二都燈山倉

知州陳如松墓在從順西浦朴珩

贈文林郎陳正墓在後鄭

吏科陳昌文墓在長興北頭山頭鄉

知縣陳文瑞墓在亨溪巨頭山

承德郎陳應相墓在歸德蔡宅祈雨山後

刑部員外陳瑞墓在感化土地嶺楓仔林埔地

同安縣志

卷之十二

古蹟附家墓

天

進士林志遠墓在感化山兜山

同知林炳墓在蓮花山牛心湖

禮部池顯方墓在慈汀保盤谷內

贈奉政大夫蔡潛毓墓在浯洲十七都姑坑鄉

禮科蔡國光墓在翔風十八都前尾鄉

封御史郭維豐墓在廈門虎仔山後施厝前

殉節教諭陳鼎墓在安撫隔仔內樹崙

推官張璫墓在歸德湖井

御史郭貞一墓在半嶺慈相仙官崙

通判郭守一墓在后廟和尚山
封推官劉霖壬墓在歸德馬坑

國朝崇祀鄉賢知縣陳觀泰墓在仁德里崙上百福

山

推官李其蔚墓在積善浦頭前山

推官劉望齡墓在東門外洞邊山六角亭下

知縣劉佺齡墓在感化五老山

尸部陳睿思墓在歸德里寶鎮山

封編封陳永華墓在仁德廈店

同安縣志

卷之十二

古蹟附家墓三

封榮祿大天施俊墓在盧山頭

總兵官施應元墓在小盈嶺大路上

編修陳夢球墓在將軍山高厝崙

封文林郎葉壽晟墓在歸德里西山中崙

知縣葉心朝墓在安磔保小平洋虎峒崙

封知縣洪家玉墓在浯洲董林鄉北山

贈同知池其繩墓在慈汀保端山

贈同知池文煜墓在慈汀保寨仔後池仔內山

贈武功大夫陳明訓墓在感化里五路亭

同知池繼善墓在慈汀保晃巖左

知縣洪淳瑛墓在石船山第一分大湖

翰林許琰墓在板橋南風院後

進士蘇途墓在同禾六都東村山

進士邵天球墓在大西山巖前崙峯

贈中憲大夫累贈武功大夫高文珩暨妻魏氏墓在

從順里坑樸松柏林鄉

贈奉直大夫高奇聰墓在長興里北山院仔後崙

贈奉直大夫高育茂墓在民安里金牌寨邊雞心崙

同安縣志

卷之十二

古蹟附家墓

三十

贈驃騎將軍胡馨墓在吳倉鳳嶼

贈驃騎將軍胡子爵墓在吳倉鳳嶼

贈驃騎將軍胡士宗墓在顧厝鄉

提督軍門胡貴墓在廈島洪山柄

贈懷遠將軍高信墓在浦南

封懷遠將軍高國良墓在鍾宅

遊擊高英墓在劉五店下店山

贈榮祿大夫吳維宰墓在同禾里后行保后郭

贈懷遠將軍累贈榮祿大夫吳珍賢墓在民安里十

御香山

封懷遠將軍累贈榮祿大夫吳際斯墓在長興里後
壠保蚌塘鄉墓山邊

提督吳必達墓在民安里馬家巷

贈榮祿大夫林士墓在井頭鄉大墓邊

贈文林郎郭應聘墓在感化里銅鉢巖中崙

贈榮祿大夫林周斐墓在井頭鄉西墓

贈榮祿大夫林國護墓在井頭鄉西墓

提督軍門林君陞墓在井頭鄉西邊

同安縣志

卷之十二

古蹟附冢墓 三

贈標騎將軍魏達政墓在十三都宋洋頭

贈標騎將軍魏玉元墓在爐前鄉印斗石下

總兵官魏因泰墓在同禾七都詩坂山原

總兵蔡攀龍墓在金門太武山

贈文林郎蘇文言墓在積善里仙山

知州蘇尙斌墓在安仁里深青大埔崙

贈武翼都尉楊秉信墓在從順里康厝觀音山

封武翼都尉楊平佐墓在人符里白虎巖

贈武翼都尉楊從嵐墓在安仁里英山下

封修職佐郎楊從岳墓在安仁里大東山

左都督高淳泳墓在同禾里歐行保郭境後嚴山下
知縣莊明呈墓在壽石巖端平崙

分發知縣莊光前墓在嶺亭保上寮籠仔

按墓制載在 曾典職官一品坐地九十步二品

八十步三品七十步四品六十步五品五十步六
品四十步七品以下二十步皆從坐心發步各數
至邊庶人坐地九步穿心十八步隨卜葬者或絀
於財或限於地亦有不盡符步數者而苟如其制

同安縣志

卷之十二

古蹟附家墓 三

則不容他人侵佔也明矣況先賢祠宇墳墓屢奉
恩卹着地方官保護勿致毀傷奈世人輒惑於風水
有豪悍者見人子孫式微卽謀鬻其先人邱壠以
爲已祖父之墳尤甚者恃強兼并設計侵漁以致
頻年許訟故舊志所載第宅寥寥而於塚墓獨夥
今採輯者又從而請益焉蓋誠遠慮深思欲藉此
爲左券之握俾豪強者知所警心有墓之子孫亦
知所孝感也竊思正簡存齋近思鈞磯次崖諸公
之所窆固墓以人傳矣而其中有品不必卓學爵

不必顯榮亦得附於此編以垂永久雖謂人以墓
傳也亦奚不可哉

同安縣志

卷之十二

古蹟附冢墓
三五

坊表

一邑之有坊表也自宋丞相蘇公始厥後紫陽過化爰立朱子舊治坊明以來屢有建暨其間或以位或以名或以壽俾千百載下觀華表而知當年之盛事以視夫銘鐘勒鼎歷久不磨者將毋同志坊表

丞相坊在朝天門南轉為宋蘇頌立舊名榮義朱子改今名明成化十五年知縣張遜重建

朱子舊治坊縣志舊為宣化坊明知縣劉裳改是名

同安縣志

卷之十二

坊表

三

名卿坊在前街為宋林棐立今廢築隘門號東關名卿隘

兩科太守坊在縣治內宋紹定二年為王南一擢兩科除漳州太守立存

仁壽坊

榮春坊在東門外

龍津坊

激揚坊

振肅坊俱在舊按察司前

平政坊親民坊在縣前

貞肅坊風祀坊俱在舊按察司前

興賢坊儒林坊黃甲坊青雲俊彥坊俱在儒學前

同民安坊

在小盈嶺上為南同交界之處宋紹興甲戌朱熹建立以補嶺缺雍正甲寅地區字現存乾隆戊子茂才林應龍黃河清等呈請倡捐仍就坊蹟建造關隘

福星坊

初名魁星

在西市巷嘉定閒為許巨川立

進士坊在大西門外為明永樂甲辰科李賢祐立

忠義坊在縣治西為明葉秉乾立

解元坊在東市街為成化丙午舉人林啓立

同安縣志

卷之十二

坊表

三五

進士坊在東門內為宏治庚戌進士張定立

奕世科第坊在舊察院右為宏治庚戌進士張定張

鳳徵張繼桂舉人張宜張文錄張日益立

鵬起南溟坊在東橋為宏治壬子舉人陳華玖立

攀龍坊在東街為明宏治乙卯舉人呂用立

攀桂坊在舖後為宏治戊午舉人葉蕩立

簫雲坊

登成坊

龍門坊在南門外溪邊保今坊廢而名猶存

從龍坊在

為明正德丁卯舉人王綱立

登雲坊在東市為正德丁卯舉人吳蘊立

奕美坊在東市為明吳德蓮立

伯仲聯芳坊在小西門內為明進上謝昆舉人謝復

春立

解元坊在南街為嘉靖戊子舉人劉汝楠立

少卿坊在嶺下為明光祿少卿張暉立

三吳持斧兩越揚旌坊在東橋頭為明副使劉存德

立 以上廢

同安縣志

卷之十二

坊表

三

代巡三省侍御兩京坊在廈門吳倉社為操江傅鎮

立

大中丞坊在廈門城為明傅鎮立

銀臺進士坊在浯洲青嶼為張苗張定父子立

褒忠坊在浯洲青嶼為御馬監張敏立

岳伯坊在北門內為明嘉靖丙戌進士陳健立

御史中丞坊在東門內為嘉靖都御史洪朝選立

尚義坊在圭東保甌籠山下為郭尚彥立

鳳山鍾秀坊在嶺後為成化舉人洪敏立

太卿坊在銅魚橋頭為明通政使張苗立

進士坊登庸坊清風可師坊俱在縣前街為明進士

周源立清風坊存

文宗廷尉坊在嶺後為明正德丁丑提學僉事林希

元立

丁卯地重修改名理學名宦

天官名卿坊在廈門為嘉靖進士池浴德立

績光銅柱坊在溪頭鄉為國朝靖海侯施琅立

澤普天南坊在廈門鎮南關為靖海侯施琅立

勳崇山海澤沛軍民坊在廈門崎嶺為威路將軍吳英立

同安縣志

卷之十二

坊表

三

勳高大樹澤沛日棠坊在廈門崎嶺為靖海侯施琅水師提督

施世驃父子立以上俱存

急公尚義坊在嶺頭塔下為國朝奉直大夫高以

彰立

樂善好施坊在嶺頭塔下為奉直大夫高以彰歲貢

生高有繼父子立

昇平人瑞坊在同禾六都沈井為國朝陳士珍立

一在感化里隘頭為國朝劉登龍立

貞淳坊在縣治葫蘆山前為國朝贈奉直大夫

高育茂妻 封太宜人洪氏立

一在嶺頭塔下為 國朝鄭旭妻許氏立

一在安仁里安民為 國朝鄉賓林瑩三妻黃氏

立

節孝坊在舖前街為明通判蔡宗德妾楊氏立

一在廈門為明池宗寶妻鄭氏立

一在東嶽路右為生員吳恭妻康氏立

一在比門內為康氏立廢

一在西山為吳氏立廢

同安縣志 卷之十二 坊表 三

節孝坊在廈化里慈江保雙材山為 國朝生員黃

佐賢妻柯氏立 坊建在節婦柯氏墓前

一在廈門西邊社為 國朝池源珍妻楊氏立

一在亭溪橋西為黃忠妻蔡氏立

一在積善里錦宅鄉為黃日旭妻王氏立

一在感化里隘頭鄉為劉世輔妻顏氏立

一在同禾里三忠宮為陳元澗妻劉氏立

一在積善里為李彥登妻葉氏立

一在積善里雷塘保為陳門姑媳朱氏李氏立

一在安仁里灌口大路墘爲生員王登泰妻張氏立

一在北門內爲汪德行妻葉氏立

一在西門內爲余脩傳妻王氏立

一在積善里湯溪橋頭爲蔡健妻柯氏立

一在安仁里安民爲林贊育妻杜氏立

一在五顯宮第一橋頭爲鄭文貞妻楊氏立

同安縣志卷之十二終